

NOLTE, HEINZ-JÜRGEN (65): *Ich well nit en der Puff*



Minge fröhre Chef es en junge Johr vill erusgegange, och met singe Fründe, han vill gefiert. Dann sin se ävver och irgendwo op ener Veranstaltung gewäse un eine vun dä jung Männer hatt dann e bessche vill gedrunke. Jetzt wollten die dä do rusholle un han gedaach, wenn dä jetz noch mih süff, dann gitt dat hee Ärger. Dann han se eesch gesaht: “Kumm, mir gonn woanders hin.”

“Nää! Ich well nit. Ich han noch kein Loss. Ich well noch jet drinke” un esu.

Irgendwann woodten die schon opfällig. Dann han die andere gesaht: “Mer packen uns dä jetz un dann drage mer dä erus.”

Gesaht, gedon. Die han sich dä geschnapp, wollten en erusdrage, han ävver nit domet gerechent, wie dä reagiert. Subaal die dä gepack hatte, fing dä laut aan zo brölle, su dat all die Lück dat hüre kunnte: “Nein! Ich well nit en e Puff! Loot mich en Rauh! Ich ben ene aanständige Mann. Ich well nit en der Puff!”

Da han se dä ganz flöck lossgelooben un sin ohne dä erusgegange.

Nolte, Heinz-Jürgen (65): *Ich well nit en der Puff*

mɪŋə ˈfʁøəɐ̯e ʃɛf ʔes_en jʊŋə jo: fɪl_əˈbʊsəjənə ʔox met sɪŋə ʃʁʏndə han fɪl jəfɪɔ̯t dan zɪn zə ʔox ʔəkjɛntˈvo: ʔop_ənə fəˈʔanʃtaltʊŋ jəvɛ:zə ʔʊn ʔe:nə fʊn dɛnə jʊŋə mɛnə dɛɔ̯ hat:an_ə besjə fɪl jɛdʁʊŋkə ʔʊn jɛʃ vʊltŋ di dɛn dɔ ˈbʊshɔlə_ʊn han jɛdax vɛn dɛ jɛʃ nɔx mi: zɔf dan jʏt:at he: ʔɛbjə ʔʊn dan han zə ʔe:ŋ:əzət kʊm:ɪ jɔn voˈʔandəs hɪn:ɛ: ʔɪŋ vɪl: nit ʔɪŋ:an nox ken los ʔɪŋ vɪl:ɛŋə dʁɪŋkə ʔʊn_əzu ,ʔəkjɛntˈvan vo:tŋ di ʃon ʔʁʊf:ɛɪɪŋ ʔʊn dan han di ʔandəxən_en jəzɑ:t mɛ pakən ʔʊns dɛ:n jɛʃ ʔʊn dan dʁɑ:xə mɛ dɛn_əkʊs jəzɑ:t jɛdon di han zɪŋ dɛn jəʃnap ʔʊn vʊltŋ dɛn_əˈbʊsdʁɑ:xə han_ɛvə nɪt:amɛt jəkɛŋnɛt fi dɛɔ̯ kɛɛˈgɪɔ̯t sʊ ba:l di dɛn jəpak hatən fɪŋ dɛɔ̯ lʁʊt ʔan tʃo bʁɔlə zu dat ʔal di lʏk dat hy:xə kʊntə nʁɪn ʔɪŋ vɪl nɪd_ən_e pʊf: lo:t mɪŋ_en ʋo: ʔɪŋ ben_ənə ʔa:nʃtɛndɪjə man ʔɪŋ vɪl ned_en dɛ pʊf da han zə dɛn jants ʃnɛl:ɔs jələsŋ_n zɪn ʔɔ:nə dɛn_əkʊs_əjənə